

आकाशवाणी

1. दुनिया दी सब्बने शा बड़्डी सरकारी वित्त पोषित सेहत बीमा योजना आयुष्मान भारत अज्ज 7 बःरे मुकम्मल करा करदी ऐ। प्रधानमंत्री नरेंद्र मोदी होरें आखेआ जे इस पहल करियै भारत सार्वजनिक सेहत सेवा च क्रांति लेआ करदा ऐ।
2. राष्ट्रपति द्रोपदी मुर्मू होरें अज्ज नमी दिल्ली च 71में राष्ट्री फिल्म पुस्कार प्रदान कीते।
3. केंद्री गृह मंत्री अमित शाह होरें स्टार्टअप्स गी नमें भारत दी रीड दस्सेआ।
4. केंद्री सेहत मंत्री जे.पी नड्डा होरें सुरक्षित ते सेहतबर्धक रूट्टी यकीनी करने ताई बहुआयामी नजरिया अपनाने दा आह्वान कीता।
5. संयुक्त राष्ट्र महासभा दे 80में इजलास दी उच्ची सतह आहली चर्चा अज्जै थमां रम्भ होग। वैश्विक संघर्ष ते फिलीस्तीनी मानता टाप एजेंडें च शामिल।
6. एशिया कप क्रिकेट च पाकिस्तान आबुधाबी च सुपर-4 मुकाबले च श्रीलंका कन्नै खेड्ढोग।

<><><><><><>

Ayushman-Bharat

आयुष्मान भारत प्रधानमंत्री जन आरोग्य योजना दे अज्ज 7 बरे पूरे होआ करदे न। सितंबर 2018 च रांची थवां शुरू कीती गेदी दुनिया दी सब्बनें थमां बड़्डी सेहत सरबन्धी सरकारी वित्त पोषित सेहत बीमा योजना ऐ। इस योजना राएं मुखै च सेहत सरबन्धी सेवा च क्रांतिकारी बदलाव आया ऐ। एहदे कन्नै 55 करोड़ थमां मते लोकें गी लाह पुज्जा ऐ। इस स्कीम तैहत हर परौआर गी 5 लक्ख रपे दा सालाना सेहत बीमा उपलब्ध करोआया जा'रदा ऐ जेदे राएं मुख भरै च कैशलेस ते कागज रहत इलाज मुमकन होआ ऐ। इस योजना तैहत अजें तगर 10 करोड़ 30 लक्ख थमां मते लोकें अस्पतालें च पंजीकरण करोआया ऐ ते 1.47 लक्ख करोड़ रपे शा मते दे कैलशेस ईलाज कन्नै मरीजें दी बचत करोआई। प्रधानमंत्री नरेंद्र मोदी होरें गलाया जे आयुष्मान भारत करियै भारत सार्वजनिक सेहत सेवा च क्रांति लेआ करदा ऐ। इक सोशल मीडिया पोस्ट च उनें आखेआ जे इस योजना नै माली सुरक्षा ते सम्मान गी यकीनी बनाया ऐ। श्री मोदी होरें आखेआ जे भारत नै दस्सेआ ऐ जे पैमाना, दया ते तकनीक मानस सशक्तिकरण गी अग्गे बढ़ाई सकदे न। प्रधानमंत्री होरें आखेआ जे आयुष्मान भारत इक्क नेई पहल ऐ जिने भविष्य दियें जरूरतें दा अंदाजा लाया ते लोकें आस्तै म्यारी ते किफायती सेहत सेवा यकीनी बनाने पर ध्यान केंद्रित कीता।

<><><><><><>

PM-Swacchta

प्रधानमंत्री नरेंद्र मोदी होंरें स्वच्छता ही सेवा अभियान च सक्रिय तौर पर हिस्सेदारी करने आस्तै मुख्य दे लोकें दा आह्वान कीता ऐ। सोशल मीडिया दी इक पोस्ट च मोदी होंरें इसी इक प्रेरणादायक पैहलकदमी दस्सेआ। एह पैहल सब्बन दी जिम्मेदारी ते राश्ट्री मान दी भावना गी दर्शादी ऐ। उनें स्वच्छता उत्सव कन्नै लोकें गी जुड़ने ते 25 सितंबर बड़लै 8 बजे श्रम दान करने दा आग्रह कीता। 25 सितंबर गी पंडित दीन दयाल उपाध्याय हुंदी जयंती बी ऐ। केंद्री मंत्री नितिन गडकरी ते केंद्री राज्यमंत्री डॉ. जितेंद्र सिंह होंरें बी महाराजा होंरें गी उन्दी जयंती पर श्रद्धांजलि भेंट कीती।

<><><><><><>

Seva Parv

मुख्य भरै च चलाए गेदे सेवा पर्व समारोहें दे इक हिस्से दे तौर पर अस अज्ज दस्सगे जे किस चाल्ली मोदी सरकार नै प्रधानमंत्री कौशल विकास योजना दे राएं भारत दे नौजोआनें गी सशक्त बनाया ऐ। 11 बरें पैहले प्रधानमंत्री नरेंद्र मोदी होंरें भारत दे नौजोआनें गी सशक्त बनाने दा सुखना दिक्खेआ हा, जिस करी 15 जुलाई 2015 गी प्रधानमंत्री कौशल विकास योजना दी शुरूआत कीती गई ही। मौजूदा समें च अपने चौथे गेड़ च इस कार्यक्रम च इस बरें जुलाई म्हीने तगर तकरीबन 1 करोड़ 63 लक्ख नौजोआनें गी सिखलाई दिती गई ऐ जिंदे च 45 फीसदी महिलां न। एह पैहलकदमी नौजोआनें गी अपना भविष्य बनाने ते अपना कारोबार शुरू करने च मदद करा'रदी ऐ।

<><><><><><>

Prez. Film Awards

2023 बरें लेई 71मां राश्ट्री फिल्म पुरस्कार समारोह नमीं दिल्ली च आयोजित कीता गेआ। एहदे च राष्ट्रपति द्रोपदी मुर्मू होंरें बक्ख-बक्ख श्रेणियें च पुरस्कार प्रदान कीते। इस मौके पर मन्ने-परमन्ने दे फिल्म एक्टर निदेशक, ते निर्माता मोहन लाल गी सिनेमा दे क्षेत्र च सब्बने शा बड़डा सम्मान दादा साहेत फाल्के पुरस्कार कन्नै सम्मानत कीता गेआ। सर्वश्रेष्ठ फीचर फिल्म दा पुरस्कार हिंदी फिल्म 12th फेल गी जिल्ले के सर्वश्रेष्ठ हिंदी फीचर फिल्म दा पुरस्कार कटहल ए जैक फ्रूट मिस्ट्री गी दिता गेआ। बेहतरीन एक्टर श्रेणी च शाहरूख खान गी उंदी फिल्म जवान ते विक्रांत मैसी गी उंदी फिल्म 12th लेई पुरस्कार प्रदान कीते गे। बेहतरी अभिनेत्री दा पुरस्कार रानी मुखर्जी गी फिल्म मिसेज चटर्जी वर्सेस नार्वे च उन्दे शानदा अभिनय लेई दिता गेआ। सुदीप्तो सेन दी द केरला स्टोरी गी सर्वश्रेष्ठ निर्देशन च पुरस्कार

थहोआ ते हिंदी फिल्म राकी और रानी की प्रेम कहानी को पूरा पराता मनोरंजन प्रदान करने आहली सर्वश्रेष्ठ लोकप्रिय फिल्म दा पुरस्कार दिता गोआ।

<><><><><><>

HM-Startups

केंद्री गृह मंत्री अमित शाह होरें स्टार्टअप्स गी नमें भारत दी रीढ़ दस्सेआ। अज्ज गांधीनगर दे महात्मा मंदर च दऊं दिनें दे स्टार्टअप सम्मेलन दा उद्घाटन करदे होई श्री शाह होरें आखेआ जे पिछले इक दाहके च भारत दे स्टार्टअप इको सिस्टम च बेजोड़ बाददा होआ ऐ। जिस करिये एह दुनिया दा त्रिया सब्बने शा बड़डा स्टार्टअप इकोसिस्टम बनी गोआ ऐ। भारत दी युवा शक्ति पर बल दिंदे होई उनें मेद प्रगट कीती जे देस त्रऊं बःरें दे अंदर-अंदर वैश्विक नवाचार सूचकांक च टाप 10एं च दाखल होई जाग।

<><><><><><>

Nadda Food

केंद्री सेहत ते परोआर कल्याण मंत्री जे.पी नड्डा होरें लोके आसेआ खाए जाने आहिलियां चीजां-बस्तां सुरक्षित ते सेहतबर्धक होन, एह यकीनी बनाने लेई बहुआयामी नजरिये दी लोड़ पर बल पाया। श्री नड्डा होर अज्ज नमी दिल्ली च वैश्विक खाद्य नियामक शिखर सम्मेलन दे लोगो ते ब्रोशर जारी करने मगरा बोला करदे हे। मंत्री होरें जोर देइये आखेआ जे खाद्य सुरक्षा मानके ते बिनियमें गी लगातार अपडेट कीता जाना लोड़चदा। श्री नड्डा होरें खाद्य सुरक्षा मानके गी बेहतर बनाने ते महत्वै आहले इस खेतर च जोगदान देने च भारती खाद्य सुरक्षा ते मानक प्राधिकरण दी भूमिका दी सराहना कीती।

<><><><><><>

UNGA-Debate

संयुक्त राष्ट्र महसभा दे 80में इजलास दी उच्ची सतह आहली चर्चा अज्ज रम्भ होग। इस इजलास ताई दुनिया दे लीडर न्यूयार्क च किट्ठे होए देन। इजलास च गाजा ते युक्रेन दी जंग ते फिलीस्तीन गी बक्खरे देसै दे तौरा पर मानता देने बारै मुद्दे पर चर्चा होने दी मेद ऐ। इस बरे दा सिरलेख ऐ इक्क साथ बेहतर अमन-रमानदारी, विकास मानवाधिकारें ताई 80 बरें ते औदे कोला बद्द ऐ। विदेश मंत्री डॉ. एस जयशंकर महासभा च भारत दी नुमायंदगी करडन।

<><><><><><>

GST-Reforms

अगली पीढ़ी के वस्तु से सेवा कर GST लागू होई गेन। कपड़ा उद्योग की राहत देने आसतै सरकारै उद्यमिये आस्सेया बनावे जाने आहले रेशे पर GST 18 प्रतिशत थमां घटाइयै 5 प्रतिशत करी दिता ऐ, कन्ने गै इससे चाली के धागे पर टैक्स की दर 12 थमां घटाइयै 5 प्रतिशत करी दिती गई ऐ। घरेलू खडोना उद्योग की बढ़ावा देने तांई खडोने के खेड्डे के समेयान पर बी GST 12 फीसदी थमां घटाइयै 5 फीसद कीती गई ऐ। इस फैसले कन्ने कपड़ा उद्योग की सिद्धा लाह पुज्जोग। घरेलू खडोना उद्योग की समर्थन देने के मकसदक न्ने सरकारै खडोने के खेड्डे के समेयान पर जीएसटी की 12 प्रतिशत थमां घट्ट करियै 5 प्रतिशत पर लेई आँदा ऐ।

<><><><><><>

Pradhan-Buildthon

शिक्षा मंत्री धर्मेन्द्र प्रधान होरें अज्ज नमीं दिल्ली च विकसित भारत बिल्डथॉन 2025 दा उद्घाटन कीता। इस पहल दा मकसद नोओआनें च रचनात्मकता के आत्मनिर्भरता की बढ़ावा देना ऐ। शिक्षा मंत्रालय दा स्कूली शिक्षा के साक्षरता मैहकमा, नीति आयोग के अटल नवाचार मिशन के सहयोग कन्ने आँदी 13 अक्टूबर थमां एहदा आयोजन करोग। विद्यार्थी अज्जै थमां 6 अक्टूबर तगर एहदे लेई पंजीकरण करोआई सकदे न। श्री प्रधान होरें आखेआ जे जंटे 11 बरें च प्रधानमंत्री नरेन्द्र मोदी होरें नवाचारें की पहल दिती ऐ।

<><><><><><>

Zubin Death

मशहूर गायक जुबीन गर्ग होरें'गी अज्ज असम च गुवाहाटी कश सोनापुर थाहर राजकीय सम्मान कन्ने खीरी विदाई दिती गई खीरी संस्कार च असम के मुख्यमंत्री हिमंत बिस्वा सरमा, केंद्री मंत्री किरन रिजिजू के सर्बानन्द सोनोवाल मौजूद हे। एहदे शा पैहले गुवाहाटी के अर्जुन भोगेश्वर बरूह स्पोर्ट्स कम्पलैक्स च 10 लकख शा बद्द लोकें उनेंगी श्रद्धांजलि दिती। मन्ने-परमन्ने के गायक जुबीन गर्ग हुंदी 19 सितंबर की सिंगापुर च उंदी दुखद मौत की खबर परैत असम तकरीबन थम्मी गेदा ऐ। जुबनी गर्ग 2006 की फिल्म गैंगस्टर के गाने या अली थमां बालीवुड च सुर्खिये च आए हे। ओह बहुमुखी फन रखने आहले गायक हे जिनें 40 भाशाएं च 38 जहार शा बद्द गाने रिकार्ड कीते।

<><><><><><>

CM-Cabinet Meet

जम्मू-कश्मीर दे मुखमन्त्री उमर अब्दुल्ला होरें अज्ज श्रीनगर दे सिविल सचिवालय च कैबिनेट मीटिंग दी अध्यक्षता कीती। बैठक दरान शासन ते विकास कन्नै जुड़े दे कई महत्वपूर्ण फैसले लैते गे। अधिकारिण दस्सेआ जे इस दरान मुख प्रशासनिक मामलें पर चर्चा कीती गई जेदा मकसद पूरे-पराते शासन च सुधार आहनना ऐ। मुखमन्त्री होरें इनें फैसलें गी समेंसिर लागू करने पर जोर दिता तां जे इंदा लोकें तगर फायदा पुज्जै। इस बैठक च वरिष्ठ मंत्रियें ते आला अधिकारिण हिस्सा लैता।

<><><><><><>

Maharaja Hari Singh

अज्ज महाराजा हरि सिंह हुंदी 130मीं जयंती ऐ। ओह उस्सले दी रियासत जम्मू-कश्मीर दे खीरी राजा हे। उन्दी जयंती दे सरबंथै च कई सारे श्रद्धांजलि कार्यक्रमें दा सरिस्ता कीता गेआ। कई सारियां रैलियां कड़ियां गेइयां। हरि सिंह होरें गी शिक्षा, समाजी न्यास ते उन्दे शासनकाल लेई म्हेशा चेता कीता जंदा ऐ। महाराज हरि सिंह हुंदी जयंती पर उपराज्यपाल मनोज सिन्हा, उपमुखमन्त्री सुरेंद्र चौधरी ते ट्रांसपोर्ट मंत्री सतीश शर्मा होरें बी उनेंगी श्रद्धांजलि भेंट कीती। केंद्री मंत्री नितिन गडकरी ते केंद्री राज्यमंत्री डॉ. जितेंद्र सिंह होरें बी महाराजा होरें गी उन्दी जयंती पर श्रद्धांजलि भेंट कीती।

<><><><><><>

Japan Screentime

जपान दे तोयोआके शहर दा आइची प्रांत दे बसनीकें गी अपनी स्क्रीन टाइम दऊं घंटें तगर सीमित रखने दी अपील कीती गई ऐ। नियम पहली अक्टूबर थमां स्मार्टफोन, पी.सी ते टैबलेट पर लागू होग, एहदे च कम, पढ़ाई चा घरेलू कम्में ताईं स्क्रीम दा इस्तेमाल शामिल नेई ऐ। अध्यादेश च 12 बरें शा घट्ट बरेसू आहले बच्चें गी राती 9 बजे बाद ते 18 बरें शा घट्ट आहलें गी राती 10 बजे तगर स्क्रीन बंद करने दी सलाह दिती गई ऐ।

<><><><><><>

Typhoons

सुपर टाइफून रागासा अज्ज बड़लै चीन दे दक्खनी हिस्से च पुज्जा जिस करियै मुख तकनीकी केंद्र शेन्जेन सने घट्टोघट्ट 10 मुख्य शैहरें च स्कूल, बपार ते ट्रांसपोर्ट सेवा बंद करनियां पेइयां। अधिकारिण तुरत चेतावनी जारी करदे होई बसनीकें गी घरें अंदर रौहने दी

सलाह दिती। हांगकांग नै बी तूफान आस्तै त्री सब्बनै शा बड़्डी चेतावनी जारी कीती ऐ ते घटोघट्ट 700 डोआरिएं गी रद्द करी दिता ऐ कीजे सुपर टाफून उत्तरी फिलीपीन्स थमां लंग्घदे होई घटोघट्ट 3 लोकें दी जान लेई चुके दा ऐ ते हुन औदे होर नेड़े औने दी मेद ऐ।

<><><><><><>

Asia Cup

एशिया कप टी-20 क्रिकेट च पाकिस्तान अज्ज हुनै कोला किश चिरें परैंत अबूधाबी दे शेख जायेद स्टेडियम च सुपर फोर दे दे इक मुकाबले च श्रीलंका कन्नै खेड़्ढोग। मैच 8 बजे थमां खेड़्ढेआ जाग।

<><><><><><>

Dinesh Kataria

साबका भारती क्रिकेटर दिनेश कार्तिक गी औंदी हांगकांग सिक्सेज टूर्नामेंट ताई मर्दे दी भारती क्रिकेट टीम दा कप्तान नियुक्त कीता गया ऐ। साबका क्रिकेटर कार्तिक इस बरै 7 नवंबर थमां रम्भ होन जा करदे इस लोहके स्वरूप दी इस प्रतियोगिता च भारती टीम दी नुमायंदगी करंगन।

<><><><><><>

Kolkata-Water Logging

पच्छिम बंगाल दे दक्खनी हिसे च सारी रात भरी दी बरखा करियै कोलकाता ते आहले दोआले दे इलाकें च पानी भरोचने कारण करंट लग्गने करी 5 लोकें दी मौत होई गई ऐ। मौसम विभाग दे मकामी दफतरै आकाशवाणी कन्नै गल्ल करदे होई दस्सेआ जे कोलकाता च रिकार्ड बरखा दर्ज कीती गई ऐ जेड़ी 1978 मगरा सब्बने शा मती ऐ। कोलकाता ते औंदे आहले-दोआले दे जिलें दे नेकां हिस्से च अजें बी पानी भरोचे दा ऐ ते औने आहले घैंटें च होर बी बरखा बरने दी पेशगोई कीती गई ऐ।

<><><><><><>

Weather

मौसम विभाग नै अगले 2 दिनें तोड़ी पच्छिम बंगाल दे गांगेम क्षेत्र, ओडिशा ते छत्तीसगढ़ च मौहलेधार बरखा दा ओरेंज अलर्ट जारी कीता ऐ। आकाशवाणी कन्नै गल्ल करदे होई मौसम विभाग दे सीनियर साइंसदान डॉ. आर.के जेनामणि होरें आखेआ जे दक्खन ओडिशा ते समुंद्री कंडे आहले आंध्र प्रदेश च 27 सितंबर थमां बड़ी मती तेज बरखा बरने दी मेद ऐ। मैहकमे नै

असम, मेघालय, नागालैंड, मणिपुर, मिजोरम ते त्रिपुरा च तेज बरखा बरने दी पेशगोई कीती ऐ। तटीय आंध्र प्रदेश, झारखंड, बश्कारले महाराष्ट्र मराठवाडा, उत्तरी अंदरूनी कर्नाटक ते तेलंगाना च बी इयै जे हालात बने रौहने दी संभावना ऐ। तोआई अंडमान-निकोबार द्वीप समूह, केरल, माहे, कोंकण, गोवा, तमिलनाडू, पुद्दुचेरी, कराइकल ते पूर्वी राजस्थान च बिजली, तेज हवा ते गर्जोगर्जी कन्नै बरखा बरने दा अंदाजा लाया गेआ ऐ।

<><><><><><>